



ATASSUT

UKA 2015/135

Siverth K. Heilmann

25. 11. 2015.

**Suliffissaqartitsineq aalisarnermillu inuussutissarsiuteqarneq patajaallisarniarlugit qanoq iliorluta suliffissuit puttastut tunitsiviullutillu tunisassiorfiusut siuarsarnissaat pillugu apeqquteqaat aallaavigalugu oqallinnisamik siunnersuut.**

(Inatsisartuni ilaasortaq Jens Immanuelson, Siumut)

Inatsisartuni ilaasortaq Jens Immanuelson, Siumut, apeqquteqaat aallaavigalugu oqallisissiaanut pingaarutilimmut qujanaq, imatullu ATASSUT-miit oqaaseqarfigissavarput.

Inuussutissarsiutitta pingaarnersaanni, aalisarnek aqutigalugu nunami suliffissuit, tunitsiviit, tunitsiviillu puttastut pillugit siunnersuuteqartup tunngavilersuutai ersarissut paatsoorneqarsinnaanngillat. Siunnersuuteqartoq ilumoorluinnarpoq ajornartorsiutaasartut aamma maani inimi oqallisigiuaratsigit. Naak qaleraleqarfinni pissutsit, assersuutitut taakkartorneqartut aaqiivigineqarnissaannullu tapersersornartut, pingaartumik nunaqarfippassuarni aalisakkat takkusimaaleraluttuinnarfianni ullut amerlagisassaannngitsut iluani qerinasuartitsiviit il.il. ulikkaaqattaarput, aalisartut aningaasarsiorniarnerigaluat assut killilersorneqarluni.

Nunaqarfinnut RAL-ip angallatissaat nutaat atuutilerpata, suli aalisakkat nunaqarfinniit illoqarfinnut angallanneqartarneri ajorseriassasut ATASSUT-miit oqaatigereerparput, aaqqiissutaasinnaasunillu kaammattuuteqarpugut. Tunitsivitsigut ajornartorsiuteqaraluaqaluta, taamaattoq aalisarnek aqutigalugu illoqarfinni nunaqarfinnilu aningaasarsiornitsinnut iluaqutigeqaarput. Ukiumut pisassiisutaasartut nungupallanneqarujussuartaagaluarpoq, tunitsivitsigut ajornartorsiortitaaneq atuutinngikkaluarpat. Taamaattumik peqassuseq navianartorsiortinngikkaluarlugu, pingaartumik saarulliit eqqarsaatigalugu qaffaavigineqarnissaanut paaseqatigiittariaqalerpugut.

Tunitsiveqarniarnikkut ulikkaartoortarneq siunnersuuteqartup uvagullu ATASSUT-miit oqariartuutigtisagut eqqarsaatigalugit avaqunneqarsinnaanngilaq, umiarsuarnik sapinngisamillu nunatsinneersunik tunitsiviliinissamik politikikkut pimoorussamik aqutissiuussinissarput. Tamanna misilittagaqarfigilluareerparput aamma nunaqavissunik sulisoqarsinnaaneq piffinni aqutissiuukkaanni ajornanngilaq. Sooq pigisatsinni taasakkatsinni umiarsuaatit atunngitsut, namminersortulluunniit pigisaanni soqutiginnissinnaasut, eqqartukkatta piviusunngortinnissaanut aqutissiuussinnaassanngilagut. Nuna allamiut angallataannik, tunitsivigissallugilluunniit kajumernanngivissut inuttaqartartullu atorneqartarput, ATASSUT-ip isumaanut inuttaqarnikkullu qulakkeerisuunngimmata orniginarnerpaatut isiginnginnatsigit oqaatigissavarput.



ATASSUT-miit nunami suliffiit pingaartitarilluinnarpagut aammalu suli annertusarnissaanut sule-  
taassaagut, taamaattorli neriuutigilluinnarparput sulinermi inuussutissarsiortut kattuffiiniit akerriler-  
suiinnarani, anguniarneqartuartariaqartoq umiarsuarmik tunitsiviliinermi nunaqavissut sulisorine-  
qarnissaata qulakkeerneqarnissaanut tamatta paaseqatigiittariaqalersugut. Piffinni pisortat kattuffiil-  
lu immikkoortortaqarfiini suleqatigiilluortoqaraannat pitsaasumik aningaasarsiornerput iluaquser-  
tarparput.

Takisuuliornata siunnersuuteqartup inatsisartunut Naalackersuisunullu kaammattuutiginiagai ta-  
makkiisumik ATASSUT-miit taperserparput. Qujaqqippugullu siunnersuuteqartup isummersoqqin-  
nissamut periarfissimmatigut.